

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), a u skladu sa članom 16. stav 2. Uredbe o pomoći u rješavanju stambenog pitanja branilaca i članova njihovih porodica („Službene novine Zeničko-dobojskog kantona“, broj: 4/14) na prijedlog Ministarstva za boračka pitanja i Ministarstva za rad, socijalnu politiku i izbjeglice, Vlada Zeničko-dobojskog kantona, na 122. sjednici, održanoj dana 14.12.2017. godine,
d o n o s i

ZAKLJUČAK

I.

Odobravaju se sredstva u ukupnom iznosu od 20.000,00 KM (slovima: dvadesethiljada konvertibilnih maraka), Hršumović (Fadila) Muhamedu, demobiliziranom braniocu i licu u stanju socijalne potrebe iz Vareša i to:

- 10.000,00 KM (desethiljada konvertibilnih maraka) sa transfera Ministarstva za boračka pitanja i
- 10.000,00 KM (desethiljada konvertibilnih maraka) sa transfera Ministarstva za rad, socijalnu politiku i izbjeglice,
u svrhu kupovine stambenog objekta - kuće i trajnog rješavanja stambenog pitanja njegove porodice.

II.

Sredstva iz tačke I Zaključka isplatit će se iz Budžeta Zeničko-dobojskog kantona za 2017.godinu („Službene novine Zeničko-dobojskog kantona“, broj: 15/16, 8/17 i 13/17) i to:

- 10.000,00 KM sa razdjela 24, budžetska organizacija 01, potrošačka jedinica 0001, ekonomski kod 614200, subanalitika OAD 208 - “Pomoć u rješavanju stambenog pitanja” Ministarstva za boračka pitanja.
- 10.000,00 KM sa razdjela 20, budžetska organizacija 01, potrošačka jedinica 0001, ekonomski kod 614200, subanalitika KAD 207 „Ostali socijalni transferi“ Ministarstva za rad, socijalnu politiku i izbjeglice.

III.

Uplata sredstava bit će izvršena na račun Općine Vareš.

Služba za opću upravu, društvene djelatnosti i boračko-invalidsku zaštitu općine Vareš se obavezuje doznačena sredstva uplatiti na račun prodavca na osnovu Ugovora o kupoprodaji nekretnine broj: OPU-IP: 267/17 od 09.10.2017. godine. Izvještaj sa dokazima o namjenskom utrošku sredstava Služba za opću upravu, društvene djelatnosti i boračko-invalidsku zaštitu općine Vareš obavezna je dostaviti Ministarstvu za boračka pitanja i Ministarstvu za rad, socijalnu politiku i zbjeglice Zeničko-dobojskog kantona u roku od 15 dana od dana izvršene doznaka sredstava na račun Općine.

IV.

Za realizaciju ovog Zaključka zadužuju se Ministarstvo za boračka pitanja, Ministarstvo za rad, socijalnu politiku i izbjeglice i Ministarstvo finansija, svako u okviru svojih nadležnosti.

V.

Zaključak stupa na snagu danom donošenja.

Broj: 02-_____/17.

Datum, 14.12.2017. godine

Zenica

PREMIJER

Miralem Galijašević

DOSTAVLJENO:

- 1x Ministarstvo za boračka pitanja,
- 1x Ministarstvo za rad, socijalnu politiku i zbjeglice,
- 1x Ministarstvo finansija,
- 1x Općina Vareš, putem Ministarstva,
- 1x a/a.